



SULTAN ABDUL HALIM MU'ADZAM SHAH

SIARAN MEDIA

PROGRAM JALINAN WARISAN KEBANGSAAN DAN UNESCO (JIWAKU) 2025

Pengenalan

Politeknik Sultan Abdul Halim Mu'adzam Shah, Kedah akan meneruskan kesinambungan penganjuran program **JIWAKU** untuk membina kemahiran pelajar dalam mengenali dan memartabatkan budaya setempat. Program ini mensasarkan penyertaan daripada seluruh Politeknik Malaysia dan Kolej Komuniti zon semenanjung. Selain itu program ini turut menjemput penglibatan dari aktivis seni tempatan dalam memberi pendedahan kepada para peserta yang terlibat.

Program **JIWAKU '25** kali ini memberi fokus kepada perkongsian ilmu serta pengalaman dalam seni persembahan tradisional **Mek Mulung** dan penerokaan khazanah budaya Negeri Kedah, yang dikenali sebagai negeri Jelapang Padi.

Objektif Program

1. Memperkenalkan dan memperkasakan penjenamaan semula Politeknik dan Kolej Komuniti.
2. Membantu menanam pengetahuan berkonsepkan edu-budaya melalui bengkel budaya dan warisan serta aktiviti-aktiviti kebudayaan yang lain kepada pelajar dan pensyarah.
3. Memberi peluang kepada pelajar politeknik dan kolej komuniti mengelola dan merangka dan melaksanakan aktiviti dengan mengeratkan integrasi nasional dalam semangat kerjasama dan pengurusan organisasi melalui acara bakat yang disertai.

4. Mewujudkan budaya bersaing yang sihat dalam kalangan pelajar dengan mendedahkan pelajar dengan kebolehpasaran dalam bidang bakat.

Seni Mek Mulung

Program JIWAKU'25 pada kali ini memberi fokus kepada perkongsian ilmu serta pengalaman dalam seni persembahan tradisional Mek Mulung dan penerokaan khazanah budaya Negeri Kedah, yang dikenali sebagai negeri Jelapang Padi. Seni Mek Mulung merupakan sebuah teater tradisional yang berasal dari Wang Tepus, Jitra, Kedah dan telah diiktiraf oleh UNESCO pada Disember 2023 sebagai Warisan Budaya Tidak Ketara yang Memerlukan Perlindungan Segera (Intangible Cultural Heritage in Need of Urgent Safeguarding). Seni persembahan ini menggabungkan lakonan, nyanyian, tarian dan muzik tradisional. Ia biasanya dipersembahkan oleh kumpulan seramai 15 hingga 20 orang, diiringi oleh alat muzik tradisional seperti rebana, gong dan serunai.

Penyertaan

Pertandingan dalam program ini disertai oleh Politeknik Sultan Salahuddin Abdul Aziz Shah (PSA) Selangor, Politeknik Muadzam Shah (PMS) Pahang, Politeknik Sultan Azlan Shah (PSAS) Perak, Politeknik Tun Syed Nasir Syed Ismail (PTSN) Johor, Politeknik Tuanku Syed Sirajuddin (PTSS) Perlis, Politeknik Sultan Haji Ahmad Shah (POLISAS) Pahang, Politeknik Mersing (PMJ) Johor, Politeknik Metro Kuantan (PMKU) Pahang, Politeknik Seberang Perai (PSP) Pulau Pinang, Politeknik Kuching, Sarawak (PKS), Politeknik Sultan Idris Shah (PSIS) Selangor, serta tuan rumah Politeknik Sultan Abdul Halim Mu'adzam Shah (POLIMAS) Kedah. Penyertaan semua peserta dari semua politeknik seramai 105 orang.

Pertandingan Yang Dipertandingkan

Dalam program ini pertandingan yang di pertandingankan ialah:

1. Pertandingan Kesenian Mek Mulung. (Kolaborasi Kolaborasi bersama AKRAB (Persatuan Pengerak Budaya Warisan Negeri Kedah)

2. Eksplorasi Jelapang Padi
(Kolaborasi bersama Pejabat Daerah Kubang Pasu dan Komuniti Kg. Matang Kenanga, Jerlun, Kedah).
3. Vlog Warna Warni Kedah Jiwaku (Kedah Sempoi Baq Hang)
(3 kategori, informatif, Kreatif dan Suntingan idea)

Majlis Perasmian dan Penutupan ini akan disempurnakan oleh **YBrs. Ts Abdul Razak bin Sabtu**, Pengarah Kanan (Kompetensi), Jabatan Pendidikan Politeknik dan Kolej Komuniti (JPPKK)

Sehubungan dengan itu pihak POLIMAS dengan berbesar hati menjemput semua rakan media untuk membuat liputan bagi majlis di atas yang akan diadakan ini. Bersama-sama ini dikemukakan atur cara program tersebut untuk makluman pihak tuan/puan.

Sebarang maklumat lanjut mengenai program ini pihak tuan/puan boleh menghubungi **Pengarah Program Jelajah Warisan & UNESCO, Noor Hazalina Abdullah** ditalian **019-6011983** atau **Ketua Unit Komunikasi dan Hubungan Korporat, Ruslinda Karya** ditalian **014-3407441**.

Sekian terima kasih

SHAHRIIL ANNUAR BIN AHMAD

Pegawai Perhubungan Awam,

b.p. Pengarah

Politeknik Sultan Abdul Halim Mu'adzam Shah, Kedah

Tel: 04-9146100

Fax: 04-9174232

Email: shahrilannuar@polimas.edu.my

Tarikh : 1 Oktober 2025

**ATUR CARA MAJLIS PERASMIAN & PENUTUPAN
JALINAN WARISAN KEBANGSAAN DAN UNESCO (JIWAKU) 2025
POLITEKNIK DAN KOLEJ KOMUNITI MALAYSIA**

TARIKH : 8 OKTOBER 2025 (RABU)
MASA : 9.00 PG – 1.00 TGH
TEMPAT : DEWAN SRI MAS, POLIMAS

MASA	ACARA
9.00 pagi	: Pendaftaran peserta
9.15 pagi	: Ketibaan dif kehormat
9.45 pagi	: Ketibaan VVIP
10.00 pagi	: Perarakan masuk

YBrs. Ts Abdul Razak bin Sabtu
Pengarah Kanan (Kompetensi)
Jabatan Pendidikan Politeknik dan Kolej Komuniti (JPPKK)

YBhg. Dato' Muhamad Mahazi Bin Haji Ibrahim
Pegawai Daerah Kubang Pasu
Pejabat Daerah dan Tanah Kubang Pasu

YBrs. Dr Mhd Azmin bin Mat Seman
Timb. Pengarah Akademik POLIMAS
Menjalankan tugas Pengarah POLIMAS

YBrs. Encik Hamizi bin Yahya
Timb. Pengarah Sokongan Akademik POLIMAS,

(SENARAI)

10.05 pagi	: Nyanyian Lagu Negaraku Lagu Negeri Kedah
10.15 pagi	: Persembahan pembukaan oleh Kelab Kebudayaan POLIMAS
10.20 pagi	: Aluan Pengacara Majlis
10.25 pagi	: Bacaan Doa
10.30 pagi	: Ucapan Aluan YBrs. Dr Mhd. Azmin Bin Mat Seman Timbalan Pengarah (Akademik) Politeknik Sultan Abdul Halim Mu'adzam Shah

10.45 pagi : Ucapan Perasmian oleh **YBrs. Ts Abdul Razak bin Sabtu**
Pengarah Kanan (Kompetensi)
Jabatan Pendidikan Politeknik dan Kolej Komuniti (JPPKK)

11.00 pagi : Tayangan video montaj Jiwaku 2025 (5 minit)

11.05 pagi : Persembahan tarian dan nyanyian Mek Mulung (Peserta JIWAKU 2025)

11.15 pagi : Sesi Penyampaian Cenderahati dan Hadiah Pemenang

Sijil dan cenderahati:

- a) **Rakan Kolaborasi (SENARAI PENERIMA)**
 - Pejabat Daerah & Tanah Kubang Pasu
 - Persatuan Penggerak Warisan Seni Budaya Negeri Kedah (AKRAB)
 - Majlis Komuniti Kg. Matang Kenanga
- b) Pengurus Pasukan setiap institusi peserta (SENARAI PENERIMA)
- c) Juri Pertandingan Vlog Jiwaku 2025 (SENARAI PENERIMA)

Keputusan dan hadiah pemenang: (SENARAI PENERIMA)

- a) Pertandingan Eksplorasi Jelapang padi
- b) Pertandingan kesenian Mek Mulung
- c) Pertandingan Vlog JIWAKU 2025

12.00 tgh : Penyampaian Cenderahati VVIP
- YBrs. Ts Abdul Razak bin Sabtu

12.05 tgh : Penutup dan Nyanyian lagu Politeknik Malaysia

12.15 tgh : Sesi Fotografi Bersama VVIP

12.25 tgh : Perarakan keluar VVIP

12.30 tgh : Jamuan makan (VVIP & Tetamu Jemputan)
